

# Rheolaeth

**MEDDYLIWCH  
AMDANI**

Tachwedd 2005

**Bydd Cyngor Rheolaeth Cymru yn gweithio gyda phartneriaid yng Nghymru a thu hwnt i hybu gwell perfformiad o ran rheoli ar bob lefel yn yr economi.**

**Fel rhan o'r dasg honno, rydym yn annog rheolwyr fel chi i ystyried sut gallan nhw ehangu eu galluoedd eu hunain a gwella yn eu gwaith.**

**Nod y daflen grynodeb yma, a fydd yn cael ei chyhoeddi bob mis, yw'ch helpu chi i ganolbwyntio yn fwy eglur ar yr heriau ymarferol sy'n eich wynebu.**

**Nid ydym yn honni bod yr holl atebion gennym, ond rydym yn gobeithio y bydd y cwestiynau yma'n ysgogi ystyriaeth a fydd yn ddefnyddiol i chi. Os ydych chi am roi'ch barn ar unrhyw rai o'r materion sy'n cael eu codi, cysylltwch â ni.**

gwyneth.stroud  
@crc-wmc.org.uk



Cyngor Rheolaeth Cymru  
Wales Management Council



## Gadael popeth i'r Gîcs?

Yn ôl yr Harvard Review diweddaraf: Mae'n fwyaf tebygol y daw technoleg yn y ganrif newydd yn faes rheolwyr ac arweinwyr yn hytrach nag entrepreneuriaid, a bydd eu gallu hwy i harneisio ei grym a manteisio ar gyfle cudd y Rhyngwrwd yn ennill y blaen iddynt ar eu cyfoedion.



Ydych chi wedi bod yn euog o ddefnyddio cyfrifiaduron a'r Rhyngwrwd i wneud dim mwy na pherfformio tasgau sylfaenol ac wedi methu ag edrych i mewn i beth arall y gallai'r rhain ei gynnig i'ch gwneud yn rheolwr mwy effeithiol. Ydych chi'n caniatáu i'ch staff mwyaf TG-lythrennog a "gîcs" yn y cwmnïau rydych chi'n cystadlu â nhw ennill y blaen amoch chi?

## Y Gwrtaith ynteu'r Siswrn Tocio?

Ar un adeg, dywedodd Mike Brearley, cyn gapten criced Lloegr sydd bellach yn seicdreiddiwr, fod arwain tîm ychydig yn debyg i arddio, lle mae angen gwrteithio rhai planhigion a thocio rhai eraill.



Ydych chi'n adnabod eich tîm yn ddigon da i wybod pa aelodau yn arbennig y mae angen eu hannog i berfformio ar eu gorau, a pha aelodau y mae angen eu hatgoffa o'u dyletswyddau o bryd i'w gilydd er mwyn eu cadw i ganolbwyntio ar y dasg?

## Rhoi Cyfle i Ieuenctid

Gwnaeth Leigh Clifford, Prif Weithredwr conglomerat mwyngloddio rhyngwladol Rio Tinto, sylw yn ddiweddar na ddylai uwch reolwyr fod ofn rhoi cyfle i bobl ifanc 'roi cynnig ar bethau', ond fe ddylen nhw dderbyn y byddan nhw'n gwneud camgymeriadau a bod yn barod i'w cefnogi.



Pa mor dda ydych chi am adael i'ch staff iau geisio ateb heriau newydd a fydd yn ymestyn eu galluoedd, mwyn iddyn nhw dyfu o ran profiad a hyder? Sut ydych chi'n rheoli'r risgiau dan sylw, o ystyried ei bod yn anochel y bydd ambell i smonach ar hyd y ffordd?

## Glynu at y Syniad Mawr

Un tro, fe ysgrifennodd Emile Chartier, athronydd Ffrengig yn y 19eg ganrif: Does dim byd sy'n fwy peryglus na syniad os mai dyna'r unig syniad sydd gennych chi.



I lawer o bobl, mae'n ddigon anodd dod o hyd i syniadau mawr a byddan nhw'n eu coleddu a'u meith fuoch chi erioed yn euog o drin eich syniad mawr fel petai'n hollwerthfawr a gwrthod unrhyw syniadau eraill rydych chi'n meddwl eu bod nhw'n tynnu'n groes i'ch gwledigaeth chi? Sut fyddwch chi'n derbyn syniadau 'gwell' pobl eraill heb gyfaddawdu eich arweinyddiaeth?

## Yn Galw am Help!

Yn y ddau ddegawd diwethaf, gwelwyd mwy a mwy o gwmnïau ymgynghorwyr rheoli yn dod i'r amlwg, ac mae hyn bellach yn cyfrif am £115m y flwyddyn o'r diwydiant byd-eang. Ond mae cyn ymgynghorydd ac awdur David Craig yn honni mai gwastraff yw 60% o'r gwaith ymgynghori gan na fydd yn cael ei roi ar waith neu nid oedd ei angen yn y lle cyntaf.



Ydych chi'n cytuno â hyn? Beth fydddech chi'n ei ystyried yn sefyllfa lle gallech chi gyfiawnhau galw am help ymgynghorydd? Pa brawf fydddech chi'n ei ddefnyddio i benderfynu a oes gwir angen ymgynghorydd arnoch chi ynteu a ydych chi'n gwneud dim mwy nag osgoi tasg rheoli anodd neu annymunol?

## Gwefannau Rheolaeth

I gael cipolwg letgroes ar fyd busnes, piciwch i mewn i [www.businessballs.com](http://www.businessballs.com). Mae'r wefan yn cynnwys rhai acronymau diddorol nad oedden ni wedi dod ar eu traws o'r blaen, rhai damcaniaethau busnes a rhywfaint o stff arall diddorol. Yn wir, mae'n debygol y byddwch chi'n dod o hyd i erthygl neu gwis ar fwy neu lai unrhyw beth sydd a wnelo â busnes yma. Ond peidiwch â chymryd y cyfan o ddifrif.

Tywys Cymru Tuag At Ragoriaeth ym maes Rheolaeth